

## **Жылжымалы ұялы байланыс жүйелерін дамыту мен пайдаланудағы ынтымақтастық жөніндегі келісімді бекіту туралы**

Қазақстан Республикасы Үкіметінің қаулысы 2000 жылғы 19 шілде N 1088.

Қазақстан Республикасының Үкіметі қаулы етеді:

1. 1997 жылғы 17 қаңтарда Мәскеу қаласында жасалған Жылжымалы ұялы байланыс жүйелерін дамыту мен пайдаланудағы ынтымақтастық жөніндегі келісім бекітілсін.

2. Осы қаулы қол қойылған күнінен бастап күшіне енеді.

Қазақстан Республикасының

Премьер-Министрі

Жылжымалы ұялы байланыстың жүйелерін дамыту мен пайдаланудағы ынтымақтастық жөніндегі

Келісім

Ескерту. ҚР Үкіметінің 2002.01.19. N 67 қаулысымен бекітілген 2000 жылғы 25 қаңтардағы келісімге өзгерту енгізу туралы хаттаманы қараңыз. P020067\_

Тәуелсіз Мемлекеттер Достастығының қатысушы мемлекеттері олардың үкіметтері тұлғасында, бұдан әрі - Тараптар,

жылжымалы ұялы байланысты дамыту саласындағы ынтымақтастықты қамтамасыз ету мақсатында

қызмет көрсетулер рыногын дамыту үшін жылжымалы ұялы байланыс жүйесін бірлесіп және тиімді пайдаланудың маңыздылығын мойындай отырып,

1992 жылғы 9 қазандағы почта және электрлік байланыс саласындағы мемлекетаралық қатынастарды үйлестіру туралы Келісімді дәйекті түрде іске асыруға талаптана отырып,

төмендегілерге келісті:

1-бап

Осы Келісімнің мақсаттары үшін төменде келтірілген терминдердің мынадай мағыналары бар:

"жылжымалы ұялы байланыс жүйесі" - жүйенің абоненттеріне және жалпы пайдаланыстағы жүйенің абоненттеріне олардың көмегі арқылы ұсынылатын

телефондық үзіліссіз өзара байланысы (қалалық, қалааралық, халықаралық) техникалық құралдарының жиынтығы (коммутациялық және радио жабдығы, жалғастыру желілері, құрылыстар);

"роуминг" - елдің ішінде, сол сияқты шет елдерде бір оператордың іс-қимылы өңірінен екіншісіне ауысуында абоненттерге қандай да бір алдын-ала өтінішсіз екіжақты байланысты жүзеге асыру мүмкіндігін қамтамасыз ететін жылжымалы ұялы байланыс жүйесінің қызметі;

"транзиттік жүйе" - бір мемлекеттен екіншіге аралық елдер арқылы байланыс арналары бойынша ақпарат беруді қамтамасыз ететін жүйе;

"байланыс жабдығын стандарттау" - техникалық бірдей мақсаттағы байланыс жабдығын салыстыру үшін негізге алынған техникалық сипаттамалар мен параметрлерді орнату және қолдану үдерісі;

"байланыс жабдығын сертификаттау" байланыс аппаратурасының белгіленген стандарттарға, басқа да нормалар мен техникалық талаптарға сәйкестігін тексеру;

"абоненттік терминал" - жеке пайдаланудағы абоненттік аппарат, жылжымалы ұялы байланыс жүйесіндегі белгілерді, оның көмегімен абоненттік қабылдау мен беруді жүзеге асыратын соңғылық қондырғы.

## 2-бап

### Тараптар:

- жылжымалы ұялы байланыс жүйесін әрі қарай құру үшін жиіліктерді бөлу жөніндегі ұсынымдар;
- жылжымалы ұялы байланыс жүйелерін дамытуға ықпал ететін жағдайларды жасау жөніндегі келісілген саясатты жүргізудің негізгі бағыттары бойынша ұсынымдар;
- жылжымалы ұялы байланыс жүйесін құру үшін қолданылатын жабдықтарды стандарттау және сертификаттау бойынша ұсынымдар;
- жылжымалы ұялы байланыстың ұлттық жүйелерінің үйлесімділігін қамтамасыз етуге бағытталған ұсыныстар;
- ұлттық желілердің және халықаралық MoU - NMT және MoU - QSM ұйымдарының қолданылып жүрген ережелерінің ұйымдастыру-техникалық ерекшеліктерін ескере отырып, жылжымалы ұялы байланыс жүйелері операторларының өзара іс-қимылы бойынша ұсынымдар;
- ақпаратты санкциясыз енуден қорғау және мұндай енуге тыйым салуды ұйымдастыру жөніндегі ұсыныстар өндеу бойынша шаралар қабылдайды.

## 3-бап

### Тараптар:

- ұлттық мәртебесі бар жылжымалы ұялы байланыс жүйелерінің желілерін дамытуға;
- қабылданған стандарттарға орай жылжымалы ұялы байланыстың ұлттық жүйелері арқылы мемлекетаралық роумингты қамтамасыз етуге;
- жылжымалы ұялы байланыс жүйелерінің жұмыс істеуі мүддесімен транзиттік желілер мен жаңа технологиялар жасауға;
- мемлекетаралық бағыттардағы жылжымалы ұялы байланыс жүйелері саласында технологиялық процестер мен техникалық құралдарды жетілдіруге;
- халықаралық ұсынымдарға сәйкес мемлекетаралық роуминг қызмет көрсетулері үшін өзара есеп айырысу және төлемдер механизмі мен жүйесін әзірлеуге;
- жылжымалы ұялы байланыс жүйелерін әрі қарай дамыту үшін оның жолақтарын бөлу мақсатында радиожилік спектрінің айырбастау келісімін жүргізуге әзірлік білдіреді.

#### 4-бап

Тараптар, Тараптар айқындайтын тәртіпке сәйкес, жылжымалы ұялы байланыстың абоненттік жеке терминалдардың, сонымен қатар үшінші елдерге роуминг ұсыну туралы жасалған шарттардың аясында оларды пайдалану үшін мемлекеттік шекаралар арқылы үшінші елдерге транзитпен кедергісіз өтудің жағдайларын қамтамасыз ету жөнінен шаралар қабылдайды.

#### 5-бап

Жылжымалы ұялы байланыс жүйесінің мемлекетаралық бағыттардағы өзара іс-қимылы туралы өз арасында шарттар жасауда шаруашылық субъектілердің қызметі осы Келісімге қатысушы мемлекеттердің қолданып жүрген ұлттық заң актілерімен реттеледі.

#### 6-бап

Тараптар осы Келісімнің қатысушы мемлекеттерінің аумақтарында байланыстың бұл түрінің қызмет көрсетулерін тоқсауылсыз ұсынуға бағдарланған жылжымалы ұялы байланыс жүйесін дамыту мен пайдалану саласында ұлттық нормативтік-құқықтық актілерді жақындату жөніндегі шараларды жүзеге асырады.

#### 7-бап

Осы Келісімнің шарттарын әзірлеу мен орындауға осы Келісімнің қатысушы мемлекеттерінің байланыс әкімшіліктері жауапты құзыретті органдар

болып табылады.

8-бап

Жылжымалы ұялы байланыс жүйесін дамыту жөніндегі бірлескен іс-шараларды жүргізу тең құқықтық және өзара тиімділік қағидаларымен осы Келісімнің қатысушы әр мемлекетінің экономикалық және географиялық ерекшеліктерін ескере отырып, жүзеге асырылады.

9-бап

Тараптардың өзара уағдаластықтары бойынша осы Келісімге өзгерістер мен толықтырулар енгізілуі мүмкін.

10-бап

Осы Келісім күшіне енген күннен бастап бес жыл ішінде қызмет етеді. Бұл мерзім өткеннен кейін Келісімді, әр Тарап жаңа бес жыл мерзімге, егер Тараптар басқа шешім қабылдаса, автоматты түрде ұзартады.

11-бап

Осы Келісім оған қол қойған Тараптардың қажетті мемлекетішілік барлық

рәсімдерді орындауы туралы үшінші құлақтандыруды депозитарийге тапсырған күнінен бастап күшіне енеді.

Мемлекетішілік рәсімдерді кешірек орындаған Тараптар үшін ол тиісті құжаттарды тапсырған күнінен бастап күшіне енеді.

12-бап

Осы Келісім оның мақсаттары мен қағидаттарын бөлетін басқа мемлекеттердің қосылуы үшін мұндай қосылу туралы құжаттарды депозитарийге беру жолымен ашық болады. Қосылу депозитарийдің мұндай қосылуға келісімі туралы соңғы хабарын алған күнінен бастап күшіне енген деп есептеледі.

13-бап

Осы Келісімді қолдану мен түсіндіруге байланысты даулы мәселелер

кеңесулер және мүдделі Тараптардың келіссөздері жолымен шешіледі.

14-бап

Әр Тарап осы Келісімнен шығу үшін ол туралы депозитарийге жазбаша құлақтандыруды кемінде 6 ай бұрын жолдап, осы Келісім бойынша қаржылық және басқа да міндеттемелерді алдын-ала реттеп, шыға алады.

1997 жылғы 17 қаңтарда Москва қаласында бір данада орыс тілінде жасалды. Төл данасы Тәуелсіз Мемлекеттер Достастығы Атқару Хатшылығында сақтаулы, ол осы Келісімге қол қойған әр мемлекетке оның расталған көшірмесін жолдайды.

Әзірбайжан Республикасының Молдова Республикасының  
Үкіметі үшін Үкіметі үшін

Армения Республикасының Ресей Федерациясының Үкіметі  
Үкіметі үшін үшін

Беларусь Республикасының Тәжікстан Республикасының  
Үкіметі үшін Үкіметі үшін

Грузия Республикасының Түркіменстан Республикасының  
Үкіметі үшін Үкіметі үшін

Қазақстан Республикасының Өзбекстан Республикасының  
Үкіметі үшін Үкіметі үшін

Қырғыз Республикасының Украина Республикасының  
Үкіметі үшін Үкіметі үшін

Жылжымалы ұялы байланыс жүйесін дамыту және пайдаланудағы  
ынтымақтастық туралы Келісімге Молдова Республикасының ескертуі

Молдова Республикасы жылжымалы ұялы байланыс жүйесін дамыту мен  
пайдаланудағы ынтымақтастық туралы Келісімнің жобасын келісуде.

РСС қатысушы мемлекеттерінің жылжымалы ұялы байланыс жүйелері арасындағы  
өзара іс-әрекет, өзара түсіністік QSM - NMT туралы және бұл желілердің РСС-ға мүше  
мемлекеттері операторларының арасында екіжақты жасалған келісімдермен  
меморандум және өзара түсіністік негізінде жүзеге асуы керек деп есептейміз.

Вице-Премьер

Осымен қоса беріліп отырған мәтін 1997 жылғы 17 қаңтарда Москва  
қаласында болған Тәуелсіз Мемлекеттер Достастығы үкіметтері басшылары  
Кеңесінің отырысында қабылданған жылжымалы ұялы байланыстың жүйелерін  
дамыту мен пайдаланудағы ынтымақтастық туралы Келісімнің бірдей көшірмесі  
болып табылатындығын куәландырамын.

Тәуелсіз Мемлекеттер Достастығы

Атқару Хатшысының орынбасары

Оқығандар:

Қобдалиева Н.М.

Орынбекова Д.К.

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК